



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno 561 Usque Ad Annum 633

Fleury, Claude

August. Vind. [u.a.], 1759

VD18 90117832

§.41. Responsum Iberis datum.

[urn:nbn:de:hbz:466:1-66072](https://nbn-resolving.org/urn:nbn:de:hbz:466:1-66072)

qui Laurentium in profectioe Romana Sæculum VII
A. C. 601.
comitatus fuerat; sed & ipsa Sedes Ca-
thedralis S. Augustini speciem Monaste-
rii referebat, quippe cum suis Clericis,
qui etiam Monachi erant, vitam com-
munem degebat.

§. XLI.

Responsum Iberis datum.

Illo tempore, quo S. Gregorius Melli-
tum mittebat in Angliam, eum Quiri-
cius Episcopus Iberiæ, quæ Provincia (*)
Ponto Euxino contermina erat, nomine
omnium Catholicorum illius Regionis
consuluit, an Episcopi, populi que, qui
abjecta Hæresi Nestoriana ad Ecclesiam
Catholicam redirent, baptizandi essent,
aut sufficeret, Confessionem Fidei eorum
recipere. S. Gregorius Quiricio respon- IX. epist. 61.
dit: *A Patribus nostris accepimus, illos,
qui in Hæresi in Nomine Trinitatis ba-
ptizati fuerunt, ad Sinum Ecclesiæ Un-
ctione Chrysmatis, Impositione manuum,
aut sola Fidei Professione recipi. Unde
Ariani in Oriente Impositione manuum;
in Occidente Unctione; Monophysitæ, a-
liique sola Fidei Professione recipiuntur.*
Monophysitæ a Græcis dicebantur, qui
unam tantum Naturam sicut Eutychemi
in Jesu Christo confitebantur. S. Gre-
gorius

O o 5

gorius

(*) Illi populi hodie Giorgiani dicuntur.

Sæculum VII gregorius prosequitur: *At baptizantur illi*
A. C. 601. *Hæretici, qui in Nomine Trinitatis non*
fuerunt baptizati, quales sunt Bonosani,
qui Jesum Christum Deum esse non cre-
dunt, & Cataphryges, qui credunt, Mos-
tanum esse Spiritum Sanctum. Nec ti-
mendum, ne in iis iteretur Baptismus,
quem nunquam acceperunt. Nestoriani
in Nomine Sanctæ Trinitatis baptizati
sunt, idcirco solum in vera Doctrina de
Incarnatione erudiendi sunt, ut credant,
eundem Jesum Christum esse Filium Dei,
& Filium hominis, hanc Veritatem pu-
blice confiteantur, Nestorio & omnibus
ipsius Sæctatoribus Anathema dicant, &
se Concilia, quæ recipiuntur ab Ecclesijs,
recipere promittant. Ita illos admitti-
re non dubites; imo poterunt in Eccle-
sijs suis Ordinem, in quo sunt, retinere,
ut hac spe facilius reducantur.

§. XLII.

Res Africæ.

1. epist. 8.

Cum Diaconus ex Numidia quereretur,
 se ab Episcopo suo injuste depositum
 fuisse; S. Gregorius aliunde certior factus,
 depositum fuisse ob admissum Impudici-
 tiæ crimen, datis litteris ad Columbum
 illius Provinciæ Episcopum, cujus fidem
 sibi perspectam habebat, dicit: *Si reus est,*
includatur, & pœnitentiam agat, si in-
nocens, Ordini suo restituatur, & Episcopus